

續天津縣志卷二

形勝疆域

津邑地勢平坦無高山大陵以爲限然海口三女
砦實天設之險而中外之防我

朝二百年來升州改縣設府置防舟車輻輳商賈雲
集遂稱畿南要地今且轉漕運粟來正供於駭
浪驚濤納款輸誠通重譯於荒陬遐服豈寰寓各
鎮所可等量齊觀也哉

形勝

高宗純皇帝觀海臺詩註天津本係河套又有長沙如闌

續天津縣志

卷二 形勝疆域

一

互阻海口船非乘潮不能進且東爲旅順東南爲
登州府中有廟島乃外洋門戶船所必經有此扼
要故明季倭寇從未敢至天津

師懿德重修鐘鼓樓記天津環城皆水也北拱
神京南控諸夏東連滄海西望太行形勝甲於天下
蓋畿輔一都會哉其間輪蹄輻輳舳艫揚帆往
來交錯盡晝夜而無止

天庾之輓運蒸民之懋遷道取諸此

義渡記自管子以河爲界水勢南遷遂滄海而桑
田乃有天津地初見之唐書以及於今而北直之

水尚由之入海故魚鹽利普商民以之而集者日
益增車馬絡繹如織矣又運河繞津而上四方舟
楫至若鱗次此誠水陸通衢 畿南之大都會也
蔣玉虹天津地理論沽淀皆直北水名在水經曰
九十九淀在地圖曰七十二沽而皆歸宿於津以
朝宗蓋津在冀兗之交地勢窪下故也夫多水則
饒貨財毓文秀是以風俗富麗科第聯縣焉所惜
者羣水纔會海河而直趨東南無復迴顧逗遛之
意又海水日再潮旋潮旋退凡此皆氣至不聚氣
聚不久所以民無恆業歟

續天津縣志

卷二

形勝疆域

二

按地理之大勢西北多山而嶺上出泉東南多
水而海中起島蓋一陰一陽互藏其妙也天津
爲北幹中幹之衝有水無山然地濱東海左望
旅順右望文登五百餘里中峙島一十有七星
羅碁布環拱甸輔卽鼉磯黃城徐福長山沙門
諸島是也而海口攔港沙外復有沙石墊起者
曰白馬砭曰草蒲洵曰臭泥砭以次排列於海
波中則大而遠者十七島以環拱 畿甸小而
近者二砭一洵以環拱天津流中有峙豈非一
大形勝哉

疆域

義倉圖天津郡城東至甯河縣界四十里至縣治一百四十里西至靜海縣界三十五里至縣治七十五里南至靜海縣界四十二里至縣治七十五里北至武清縣界四十五里至縣治一百二十里東南至海一百二十里西南至靜海縣界四十里至縣治七十五里東北至武清縣界五十里至縣治一百三十里西北至武清縣界四十五里至縣治一百二十里

按天津地有與寶坻滄州交界者通志舊志並

續天津縣志

卷二 形勝疆域

三

云東北至寶坻今查天津東北鄉郭家莊爲天津甯河寶坻三縣界寶坻志亦云正南至隄頭村界天津舊志云南至滄州今按海上地名小井其南五里有水溝四水溝以南係滄州管轄水溝以北係天津管轄天津疆域惟義倉圖言之最精然不言界寶坻滄州猶爲闕略